



833067

青門旅藁卷三

昆陵邵長蘅子

後集

天機

序

思硯齋詩序

合肥許君生洲大父中丞公明天啓開守紹興夢東坡  
手授一硯明日童子種竹郡亭於巖窾開得硯刻天  
然硯三字背有東坡像蓋郡亭枕種山麓相傳山以越  
大夫種得名云中丞公寶之數十年明末失於亂時中  
丞公既歿而君之尊人蒼巖先生追念手澤顏其齋曰  
思硯既而君宦遊京師乃自爲思硯齋詩紀其事一時

青門旅藁卷三 序

一

與君遊者又作爲詩歌以傳之余閒攷東坡年譜未嘗  
至會稽友人毛奇齡之言曰公守杭去此僅百里往來  
遊居亦未可知或信然耶東坡之硯如鳳尾龍尾洮河  
石之類皆爲銘而不及天然意當日偶然而得之亦偶  
然而失之遂不帶芥耶久之詩益多君乃類所得詩若  
千首屬余曰子爲序天物成毀得喪相尋於無窮理所  
固然君豈真介介於一硯與亦曰先人所好吾好之硯  
其小者耳然而子若孫方且咨嗟繫歛於既失之後至  
於數十年不置則夫詩書楮捲之澤之存者其世守勿  
墜可知語曰覬其小可以知大則是編之傳宜也嗟夫

坡公距今六七百年其間功名富貴蕩爲雲烟者何限  
而一視之微顧使人得而愛失而思歷久而不能置然  
則士君子所以自不朽於世者固有在哉

老筆深思正自使人留連不已

毛稚黃

青門旅棗卷三序

二

周櫟園文集序

文章之士。不幸不遇。則隱約終身。幸而遇矣。其才氣慷慨。足以自奮功名。而往往遭廢斥排擠。不一竟其用。甚者遭離既患。至詘支體。關木索。雖屢仆屢起。卒不免抑鬱。坎珂以死。而其文章之僅存者。乃僅與貧賤隱約之士爭一日之名。嗚呼。可悲也。歟。櫟園周先生。少舉進士。筮仕。卽有能聲。順治閒。歷官福建按察使。遷布政使。前後治閩。凡八年。閩阻險多山。時郡縣初定。數反覆。先生調畫兵食。經畧百方。閩賴以全。以副都御史徵。復驟擢

戶部右侍郎。忌者側目。爲蜚語聞上。逮繫刑部獄。獄日

青門旅橐卷三

三

悉有詔。朝審部院諸大臣皆集。先生自列狀訴諸大臣。傳視。未竟。俄大風起。西北揚塵。沙蔽天。晝晦。暝風掣手中。所視狀入空去。風定。冢宰大言曰。天意如此。獄可疑。同列皆然之。奏上未報會。世祖崩。大赦得釋。時順治十八年正月七日也。今上初稍理還其官。以僉事按察青州。尋遷叅議。督糧江南。未幾復遭劾。解職聽勘。先生博學多著述。所爲詩文極富。至是忽夜起。徬徨。悉取火焚之。曰。使吾終身顛踣不偶者。此物也。迨事解而先生亦卒矣。悲夫。先生旣沒。子在浚。綴拾所爲。賴古堂集。若干卷。傳之。且屬予序。予以爲先生詩文久自行於世。

世皆知愛重之。獨悲先生位不配。其才遇不究。其用爲可歎。悼蓋天下有事。常患無可用之才。而士之才者。又往往患不盡用。嗚呼。如先生者。不可惜哉。不可惜哉。慈溪姜宸英誌先生墓。稱所爲詩及文。機杼必自己出。語矜創。獲不蹈襲。前人一字。剗鉞湔濯而歸之。大雅又稱先生方對簿時。吏卒獐立。銀鑄纍纍。呼晷聲如沸。手拳據地。顧伍伯乞紙筆。作送客遊大梁詩。先生生意氣。如其詩。文安得不卓爾出羣也。先生名亮。工字。元亮櫟園。其號在浚。字雪客。好學。能文章。有父風。

櫟園先生死。世無復此等人矣。此文詞旨甚悲。如哀

青門旅橐卷三 序

四

泉咽於危石

王阮亭先生

意境殊不猶人起處。數語便復耐人俯仰。後入感慨一二語。便止矜惜筆墨。如此。今人多不解爾。直以拖沓潦倒爲工耳。○文經阮亭評點。大約最嚴。最當于極愛其丹鉛矜貴。亟語子湘當破例存之。

陸冰修

贈王子重先生序

進士之名猶古也。古者學成而爲進士。後世成進士始

起。何。情。

可以爲學。三代之時。士之入於學者。春誦夏絃。秋學禮

冬讀書。而其養之之漸。必自一年。歷七年。謂之小成。九

年。知類通達。疆立而不反。謂之大成。然後論選於鄉。升

於司徒司馬。而名曰進士。故古者無不學之士。士無未

成之才。今世則不然。其惡者科名也。其習者辭章訓詁

也。兢兢守四子一經之說。童而學之。白首而浸淫焉。一

切經史子集兵農禮樂天文律曆象數諸書。相戒屏斥。

以爲是不利於制舉。間有一二瑰奇辯博之士。稍思窈

青門旅藁卷三 序

五

涉其源流。其父師之操之也。惟恐不嚴。幸而成進士矣。

然後得釋去經生家言。而其間又有不說學與不暇學

者。陋者飾與馬。僂從蓄聲伎。亟讌會誇耀。里閭以自豪。

其有志者。又以仕爲學。往往困於簿書期會。訟獄之繁。

嗚呼。信乎學者之難。其人也。黃岡王子重爲今學士。具

廬先生次君。歲已未。就試禮部。成進士。不肯留京。師曰。

吾將歸而肆力於學焉。子重以名家子。能自刻苦。好古

義。紛華靡麗之習。無所動其中。而今時銓法壅滯。由進

士起家者。或素十餘年。乃得官。王子重行矣。負好學之資。

居可學之地。而假以寬閒之歲月。譬之於舟。堅其楫。施

其帆檣其川良矣以之行江河之中沿流而遇風吾能  
竟其所至哉於其別也爲之序以廣其意

不煩結構而機杼天然結處尤有自厓而反君自此

遠矣之妙 王阮亭先生

結體命筆俱近退之自是文之最上一乘 陸冰修



青門旅藁卷三

六

辭歸命筆却張拔之自張文之最上一乘 劉和

張文之最 王阮亭先生

本張辭歸命筆却張拔之自張文之最上一乘 劉和

意與前字結於其間而後以張文之最上一乘 劉和

其神歸其世負矣以步於公新於事在齊而歸其善

送翁武原詩序

錢唐翁君武原來京師謁選得黃州倅行有日矣翁君故善詩爲賦別詩四章諸與君遊者皆和之謬以予能文屬予序黃州楚名山水處也江出夔峽下荆渚合洞庭沅湘會漢沔以至於黃澗湃蕩滴浩無涯涘隔江武昌石門諸山峰巒隱見縈繚萬狀憶十年前中表兄楊簡菴令黃陂予一再過其地輒游眺竟日獨赤壁不在今黃州後人多怪予瞻之誤按圖經嘉魚有魚嶽大崖之山瀕江爲赤壁北可望烏林陸口宋謝枋得曰予自江夏泝洞庭舟過蒲圻望石崖有赤壁字其北岸曰烏

青門旅藁卷三 序

七

林亦曰烏巢上有周瑜廟此爲瑜戰地無疑考之史皆合蓋古蒲圻地今屬嘉魚也黃州之山則名赤嶼地志曰赤嶼距闔而近北望武磯是也亦名赤鼻桑欽水經曰鄂縣北江水右得樊口又左逕赤鼻山南是也子瞻博極羣書不當從俗訛嶼爲壁豈其撫江山之如昨悲英雄之易逝偶借以發一時憑弔之感其誤謬有不足深論者耶夫攬山川之勝詳攷故蹟此賢有司事也若大道情念離諸君子言脩矣簡菴從子陶雲今方以觀祭蒞黃陶雲好古工詩亦愛予文相見必善遇君君試以予言質之 單拈一事澹宕而多風

王阮亭先生

送張君之南寧別駕序

南寧古邕州地當桂林西南徼瀕大海外連交趾是惟  
颶濤瘴霧毒熱之區蛟鱷蝮虺之所窟穴林蠻洞蠹鳥  
言卉服之民之與居仕宦者往往不樂其地而別駕所  
以佐守然有分職或主錢穀或遊徼盜賊厘其職之  
所司不敢旁及吏民持牒愬却案畧不敢省不者爲侵  
官故雖有瑰奇特立之士思自建豎恒鬱鬱無所表見  
嗟乎豈朝廷設官意哉長洲張君孺如令登封仁慈尚  
教化尤自愛力矢廉潔登封人信之曰廉令也位於其  
上者皆信之曰張君廉令也以卓異聞於朝朝之卿大

青門旅橐卷三

序

八

夫皆信之曰張君廉令也而今例令以卓異舉者得爲  
御史給諫其次亦爲曹郎君廉顧皆不得得南寧之別  
駕以去其心獨能無介介耶雖然君皦然守古道者也  
士守古之道者內外遠近劇易惟上所任使皆可自見  
故夫謂君不樂於茲行者淺之乎知君也於其行序以  
送之

尺幅中具無限感慨低徊欲絕信乎下筆有神

毛稚黃

贈戶部尚書王公祀名宦錄序

世祖章皇帝師入關。仗大義驅逆。闖賊潰西遁。而青豫  
閒多爲賊保。聚元年八月。墨勒根王議遣兵下山東河  
南。前戶部侍郎淄川王公時在京師。懼東省桑梓地一  
旦重罹兵。乃身出邀說王曰。殿下奉命討賊。灑中原不  
共之讐。甚義。電捲颺馳。不旬日而平幽燕。甚武。畿輔以  
南。亾不釋耒倚機。傾耳以待命者。然殘寇餘孽。所在保  
聚。二東三河。聲教未通。驟以大兵臨之。恐民情疑畏。堅  
其附賊之心。且兵法有先聲後實者。請按甲休兵。遣一  
介之使。宣揚義聲。則兩省可傳檄而定。墨勒根王大喜。

青門旅稟卷三

序

九

奏遣公以原官招撫至德州。以書諭城中。陳利害。旣福  
降之。諸郡縣相繼降。至濟南。稍稍置官吏。收版籍。布威  
德。衆志大定。東次青州。趙應元者。黠賊也。擁衆數千。僞  
乞降。公信之不設。備應元乘夜襲青州城。陷。公死之。嗚  
呼。當申酉之際。海寓土崩。大河南北。受僞命。負固者相  
望。蠡屯蟻聚。至不可勝數。然小民何罪。數年之內。雖次  
第削平。而老弱苦累。丁壯膏野。草民之離於鋒鏑者。  
不少矣。公單車馳尺一之檄下。五十餘城。淄。兗。海。岱。閒。  
晏然若不知有兵革。事功顧不偉與。或者以青州之陷。  
咎公之疎。天下事患固生於意外。而變起於不及防。旣

已出身犯難。詎能一一逆視禍福。特視其幸不幸耳。在  
易需之夫曰需於血。出自穴需。濡也。血傷也。君子痛生  
民之塗炭。戚橫流之未已。將濡跡以濟之。雖傷不顧。若  
其出不出。天也。然則公之心獨苦。而遇可謂不幸矣。公  
死再閱月。將軍哈哈木率師復青州。擒趙應元。誅之事  
聞。詔贈公戶部尚書。予祭葬。官其一子。後三十餘年。畿  
輔學臣以士民請。檄祀公名宦。公之從子學士君又徵  
薦紳先生詩。若文紀其事。而屬序於予。按祀典有功德  
於民。則祀之。死勤事。勞定國。則祀之。使公非有功德於  
民。既三十餘年矣。士若民何所不忘於公。而請祀之耶。  
嗚呼。可以觀公之事矣。公諱鰲。永字蘅。臯別號澗。邈世  
為山東之淄川人。

有體有法。要是名手。文氣亦近西京。

陸水修

青門旅藁卷三序

十

送姪璿遊太學序

邇者廷臣言太學人才所自出比入貲者多無以稱上  
廣厲至意願下明詔令學臣選茂才異等者郡學二人  
州縣學一人以名聞貢入太學詔曰可於是吾郡以璿  
應詔予於璿爲族父行又常從予遊其行也何能已于  
言上之人操以進退天下士者文而已耳而原乎其意  
亟亟焉欲得天下士而用之者又不以文蓋生民之治  
否中外之利害得失一代之理學事功節義皆待此數  
千輩科目之士羣起而任之而今時所爲科目之文守  
章句攻訓詁驅天下瓌瑋卓犖傑出之才兔首而束縛

青門旅櫟卷三

十一

于其中方且相習爲丐貸剽竊空疎無用之學以微倖  
於一日之得而不知所返是故所養非所用豈上之意  
固然耶吾邵氏之先實祖康節自淵清公扈蹕而南派  
衍吳越開宅不敢遠引梁谿文莊公洵歷中外所至著  
清譽正德中忤閹瑾幾蹈不測晚以請養歸講學東林  
得濂洛之傳武林弘齋公嘉靖初以議禮忤枋臣拜杖  
遠戍著書數百萬言學者私謚弘毅先生今年予客越  
得讀其書所謂三弘錄者益想見其爲人相距二三十  
年閒東西四百里兩鉅公截嶽相望若吾宗二華然嗚  
呼科目如是可謂無負矣璿內行醇備事親孝居三世

不析箸力學者古自六經以迄史漢唐宋大家皆涉其  
藩舉業之言亦能高出儕輩以故名駸駸起使挾此而  
希一日之倖何難顧子望瞻不止此方今賢士輻輳太  
學如東漢郭林宗符融唐何蕃歐陽詹宋六君子之流  
表表史冊者今固宜有其人然求其可與講道德資古  
今者終身得一二人已足願益讀書慎交遊務爲有用  
之學以庶幾文莊弘毅所樹立使世謂科目有人詎不  
倖哉曩子客京師久名公卿及四方賢士往往親子試  
持子言以往諸君子且幸教瞻也

歷泝家學而勉之諄諄閱論卓識中有矜慎處斯真

青門旅藁卷三 序

七

古人斯真古文

毛稚黃

此卷之序也... 古人斯真古文... 毛稚黃... 歷泝家學而勉之諄諄閱論卓識中有矜慎處斯真... 青門旅藁卷三 序... 七... 不析箸力學者古自六經以迄史漢唐宋大家皆涉其藩舉業之言亦能高出儕輩以故名駸駸起使挾此而希一日之倖何難顧子望瞻不止此方今賢士輻輳太學如東漢郭林宗符融唐何蕃歐陽詹宋六君子之流表表史冊者今固宜有其人然求其可與講道德資古今者終身得一二人已足願益讀書慎交遊務爲有用之學以庶幾文莊弘毅所樹立使世謂科目有人詎不倖哉曩子客京師久名公卿及四方賢士往往親子試持子言以往諸君子且幸教瞻也

六經之教唯詩善言情而情莫切於父母之養顧三代之盛也臣子往往不自言其情而上代爲之言小雅四牡之辭曰是用作歌將母來諭解者口諭念也知汝以養母之志而來念也夫使臣不言而上委曲言之如此使其請之有不聽乎故其時無不養之親親無失養之子而南陔白華華黍作焉三詩皆笙詩亡其辭序曰南陔孝子相戒以養也白華孝子之潔白也蓋言奉華黍以養其親如華之潔也自是萬物咸遂其養而王道成矣故繼之以由庚崇丘庚更也言物雖更變託於大丘

青門旅櫬卷三

序

三

之上靡不遂也及其既衰上既不能周知臣下之情而臣下亦無由以自達乃不得已而託爲憂愁哀怨迫切之音以庶幾於上之人之聞之也而采詩者亦備錄其辭列之變雅祈父北山諸什是已聲音之道關乎盛衰信夫 今天子孝治天下士大夫親老無他子者得終養如著令水部魯菴張君以壯年歷官曹郎有聲譽一日念太夫人春秋高自其曹之長爲請於朝以養歸諸與君遊者皆作爲詩歌以美其行余得而讀之大要其情潔其旨厚其詞渢乎爾雅類有合於南陔白華華黍所稱詠而非祈父北山憂愁哀怨迫切之音可髣髴也

然則是詩之作。且以鳴王道之盛焉。其傳也。固宜。詩見冊子中者。若干人。四方之士。皆有之。屬毘陵邵某爲之序。

文用說詩體風神澹宕。在子政南豐間。毛稚黃

青門旅棗卷三序

十四



Vertical text on the far left edge, partially obscured and faint, likely bleed-through from the reverse side of the page.

豁堂語錄序

葦菴上人持其師豁堂語錄若干卷自錢塘走京師三千餘里屬予序予未習佛家言而嘉葦菴之意乃爲序曰夫學佛者之有語錄猶夫學儒者之有集云耳自穆子三不朽之說並立言於德功而後之學者莫不鉢心擢腎疲畢生之力以斬成一家言傳後世然閒攷前史漢藝文志所載至隋已亾十六七歐陽修稱唐之學者自爲之書多至二萬八千四百六十二卷宋存者僅十二三以今日所見求之宋元明亦復如是嗟乎是皆世所稱能言之士也其文往往汪洋奧美震動一世之耳

青門旅橐卷三 序

五

目世之好奇愛博者往往慕說稱道之而數十年間已凋殘磨滅不可勝紀彼其說雖未必盡合聖人然類多依本孔孟之指君臣父子夫婦之道禮樂刑政治忽之大端穿穴鉤蠹以成其說然猶不能傳遠如是况乎虛無澹泊如浮屠氏之言者歟聞浮屠師有達磨者以爲三藏皆筌蹄不立文字而後世學其學者顧喋喋咕咕欲以信今而傳遠毋乃惑歟雖然吾見世之號師弟子者輕棄師說守之不堅甚者角立門戶不幸遭離禍患死亾則自諱其師更名它師者有焉今葦菴表揚其師於既亾之後篤信自守葦菴之賢有吾儒所不能及

者矣豁堂爲臨濟宗其傳遠有端緒常與今相國益都  
馮公交相國欲延致之京師豁堂堅謝旣示寂相國銘  
其塔而新城王阮亭先生語予曰豁堂本儒者其詩清  
麗可誦云

原本韓歐二公之旨不粘不脫是其佳處

王阮亭先生

近日士大夫沉溺二氏殆不復知六經爲何等語子  
湘斷斷斷操昌黎遺矩了不過徇便是空谷足音  
中一段歷落鄭重令讀者猛然不敢作慢易閱過品  
格卓絕

陸冰修

青門旅藁卷三 序

十六

皇上天覆地載。溥海內外。悉主悉臣。四裔之君長。重數譯稽顙闕下。使節往來。冠蓋相望。而安南於諸國尤恭順。先是逆藩構亂。道梗塞。又其國再易主。顧慙慙不忘天朝事大之禮。勿懈益虔。上嘉其忠。詔選廷臣。通達國體。知使事者。滿漢各一人。往諭祭其故王。又滿漢各一人。往賜璽書。襲爵如故事。上親灑宸翰。書忠孝首。邦四字。賜之恩禮有加。於是編修孫君儀部。周君承命。以行朝之士大夫。皆贈以言。予間按史冊。安南古交趾也。滇粵以南。占城真臘。滿刺加之屬。雜國以十數。安南

青門旅藁卷三

最大。宋元來世備外徼。明永樂閒。常用兵郡縣其地。不數年輒叛。宣德閒。以二楊議罷之。復其國。然而終明之世。叛服不常。今天子仁聖神武。或逆節萌生。王師所臨。籜席捲而守禮之邦。則寵嘉而褒異之。薄其貢入。不利其土地。深合古聖王御遠之道。而安南亦明於逆順。王享惟謹。所謂主臣交得者也。何其盛歟。又聞弘治初。翰林侍講劉戩使安南。宣詔明日。遽行所賂遺珠香犀象及橐中裝直可數千金。峻却之一。無所受。交人愧罪。為建郤金亭於思明道中。今兩君皆博雅君子。以學行受上知。視戩所為。無足深異。兩君行矣。當必有增重。

天朝炳煇史籍者。若夫交遊之離合。羈旅行役之勞。山川風土。瘴雨蠻烟之異俗。皆小者也。故不書。

立言有體筆意夭矯卽何減送殷員外序

陸冰修

青門旅藁卷三

序

七

吹萬集序

楊子聞緒令餘于之明年余以粵遊經其邑楊子余中表親也喜余至延之署中歡洽累旬日已乃出其詩曰吹萬集若干卷屬余序吹萬者何本蒙莊吹萬不同語也蒙莊氏之言曰大塊噫氣其名爲風是惟無作作則萬竅怒呿故其所爲似鼻似口似耳似枅似圈似白似注似汚者極衆竅之不同也激者謫者叱者吸者叫者譟者突者唱于者唱喁者衆竅之聲之不同也然而冷風則小和飄風則大和寥寥調調刁刁而自合乎籟者則無不同古今之詩亦然詩自三百篇離騷而下有漢

青門旅橐卷三

序

九

有魏有六朝有三唐有宋有元有明有今海內稱詩家其不同也猶夫竅也其音之洪纖高下正變清濁剛柔擘緩促急和平噉咉之不同猶夫竅之聲也而要其緣乎情洽乎法各鳴其胸之所欲言而扣之而成聲則無不同不成聲不足名詩余怪夫百餘年間譚詩者之日陋也主漢魏三唐者詆宋元人詩曰旁門曰小乘主宋者詆前之所作曰賸曰勦甚則怒其子孫乃并其祖父而訾之波流雲擾詆謔蠶出不惟其是之折衷而規規焉分流派別異同以斬其勝而後已譬之三尺童子截六寸之管空其中而吹之偶得一二聲守之不變且號

於人曰吾之聲可使景風翔慶雲浮吾之聲雖師曠之  
清角鄒衍之吹律無以加噫其陋也余以謂詩顧其成  
與不耳成則皆足以傳而流派異同固可亡論楊子之  
詩初喜劔南近乃喜讀少陵大要能自鳴其胸所欲言  
而扣之而成聲者進而不止則其詩之可傳亡疑余學  
詩三十餘年詩亦屢變今老矣愧未有成顧塵能言之  
楊子將以余言爲獻音乎哉

青門旅藁卷三

序

三

仁和李生祖望請余序其宗譜余諾之而未暇以爲者三年於茲每見請益堅噫生之用心抑可謂賢矣周禮太宰以九兩繫邦國其五曰宗以族得民註曰宗繼別爲大宗收族者也余嘗以謂三代以後宗法旣廢而先王尊祖敬宗收族之遺意屢有存者莫重於譜系李靚有言五服者人道之大治也然而上盡高祖旁盡三從上盡高祖則遠者忘之矣旁盡三從則疎者忘之矣人情忘則遺遺則散散則交臂不相識慶弔不相往來甚者相奴隸媵僕而不相卹人道幾何不淪胥耶若譜系

青門旅櫟卷三 序

三

明則不然自始祖而下吾身而上苟世次名諱之可知者靡不詳載世次名諱之旣詳則雖親盡服盡吾猶得而收之而不至於遺且散故宗法雖不立而大宗之意猶有存焉嗚呼不綦重哉今世類不講譜牒之學世家子弟往往以門第高人而高會而上或不能舉其名者有之而其得姓所自支分派別之所由雖號稱士大夫或不能悉可慨也李於仁和非著姓顧其傳頗久宋高宗時諱彘者扈蹕而南董龍舟之役杭人稱爲船李象上三世孫諱官明萬曆閒以工篆籀選爲禮部儒士譜其所輯也距今七八十年祖望綴拾而更新之又乞當

代名人鉅公序言多至數十首抑可謂賢矣按譜始李  
耳垂二千餘年凡李氏王侯將相畫像傳贊具在余頗  
疑其虛雜自豸以下乃皆犁然可考傳曰禮失而求之  
野有韋布之士委巷編戶之民之所爲而學士大夫乃  
反不之及者獨李氏譜乎哉

能於大處起議論無小家數

毛拜黃

青門旅櫝卷三 序

三

南城程氏族譜序

建昌之南城曰金斗程氏者其後人某抱族譜介而謁  
序於余余嘉其誠不能辭南城於郡爲治在黎圩二水  
之交鳳凰山之陽其民尚通而善賈其世家巨宗則汝  
詩書尚氏族傳世遠者或千餘年不絕故尤重譜牒之  
學聞前明時郡故饒又分建藩邸其雉堞樓櫓之傑麗  
臺池苑囿之高深鐘竽箏角漏柝之喧歌舞騎射弋獵  
之娛樂與夫奇花異卉讌會醪醴之盛直爭雄於姑蘇  
錢塘蓋余常誦其鄉先生羅圭峰祀之文所稱說者如  
此今年余以客遊至其地乃大不逮所聞井屋蕭然闕

青門旅橐卷三 序

三

閩之區斥爲甌脫者猶十三四詢之邑人則曰江右三  
十年間再燬於寇而吾邑尤甚故瘡痍至今未復因而  
屈指其鄉之世家巨宗蕩析播遷不能保其世者在在  
而有朱邸華屋塵爲劫灰而區區圖牒之散伏文獻之  
彫喪蓋不知凡幾矣於是而弗墜世守益之潤色非賢  
者能與程氏系出高陽世爲重黎氏與司馬氏同祖周  
成王時始封程遂以國氏程伯休父其後也自是代有  
顯人五代之季有名淪者遷休寧閩口自閩口門遷始  
家南城之羊角元末名世亨者又由羊角遷金斗則今

之遷祖也余按歐陽氏譜中間失世次者再蘇氏譜三

世而上失其次明李空同譜曾王父而上失其名而程氏之譜自周至今歷二千七八百年獨能絲聯珠貫世系犁然雖遭亂而獲全爲不易得抑聞之譜所以傳信也近世氏族之譜往往由子孫無識好牽連傳會遇有闕佚必求其人以實之甚者僞撰諱字世次牴牾正史爲識者所笑嗟乎彼三先生者其讀書考据豈遽出今人下耶胡聽其闕失也余謂程氏譜第當著其得姓所自而支分系別則斷自遷金斗始明初廬陵解學士縉精譜學江西一省之氏族源流婚姻宮閹無不貫穿吉與野接壤今豈無傳其學者若歸求其人試以余言質之以爲何如也

清門旅藁卷三序

孟

作譜序與一邑之盛衰相感晚大家往往有此前幅能直寫它人文字三四行一氣轉折如自運固非老

手不辦

壽山

代寧陵縣志序

寧陵古葛伯國湯所始征也春秋桓十五年邾人  
邾人來朝一見於經其後無可考亦曰沙隨成十六年  
秋公會晉侯齊侯衛侯宋華元邾人於沙隨是也地在  
今縣西寧陵之名始見班固地理志而後世因之舊志  
稱漢元狩元年始置縣是也縣之有志明嘉靖間創於  
呂司寇公坤本朝續而修之爲邑紳李公若星今繼  
修之而以序請者邑令王君也寧陵爲下邑地褊而瘠  
然縮梁宋宛洛許潁江淮之衝明自中葉時頗困共億  
又瀕大河歲有人徒舂鍤之勞前志已卹卹乎憂之迨

青門旅櫟卷三序

五

明末造流寇往來蹂躪隤垣埋塹井屋蒿萊一二遺黎  
驚竄於青燐白骨閒寧之爲邑幾不可問及皇清受  
命統一寓縣兩河之間復爲樂土民生自童穉以至垂  
白不見兵革五十年於茲矣今覽邑志所載城隍峻深  
廛市鱗比學校署舍以至道梵仙釋之宮有廢畢舉加  
之年穀屢登戶口殷殖其君子敦禮讓說詩書其細民  
勤生力田以致蓋臧視史冊所稱古先王遺風殆未遠  
遜蓋自今上御極以來省絲賦屢蠲復勸農桑益務  
與海內休養以無事然後湛恩汪濊日所入出泳沫霑  
漑垓宇之大生息理極雖窮陬小邑物靡不得其所故

邑志之成。適際其盛。而抑知上之人。涵濡浸潤。如是之深。且久而後致。是哉。按周禮外史氏掌四方之志。上之天子。欲以周知列國。都鄙州邑之盛衰。與民所樂苦。今國家方修一統志。蒼萃天下郡邑志書。悉詣送上。如古外史所掌。夫覘一邑。可以知郡。覘一郡。可以知天下。然則邑雖小。亦將有取於斯志云爾。王君名某。金谿人。起家孝廉。能以經術緣飾吏事宜。得書。

文氣古茂。有體有法。此爲大家正宗。

青門旅槩卷三

序

美

南昌彭子覲宸以副榜例當貢太學意鬱鬱若不自得者毗陵邵子語之曰以子之才而浮沉遇不遇之閒其鬱鬱固空顧今日科舉之學何如哉士習四子一經兼通其傳註僅數十萬言然不竟讀也主司不以命題與集註之無益於帖括者塾師率汰其三之一而卒業焉已又取時文之剽販丐貸骫骳庸瑣而已售於有司者數百篇課之畧成誦已又取坊刻策論表之與時文類者數十篇瀏覽之大較不過二十餘萬言子弟之穎者月計月而畢乃昂然出而應有司之求用之弋科名去

青門旅藁卷三

序

七

而躋顯榮者蓋比比矣閒有卓犖瑰偉之士稍知博涉經史又不幸負能文章名則去科舉之途漸遠其學益肆則其去之也愈遠流俗乃爲之說曰是不合於有司之繩尺嗟乎繩尺安在哉如此而得我從之而未必得矣如彼而失我矯之而亦失矣然而剽販丐貸骫骳庸瑣而遇者十九卓犖瑰偉而遇者百一則又似有繩尺者存子之才固所謂去之漸遠者也而猶介於遇不遇之閒子則幸矣又何鬱鬱爲且夫學者讀書纘言非務博而好勞其中必有所以確乎自信者吾苟有以自信詎以外之僥得僥失者爲重輕哉彭子喜曰先生言是

也會梓近詩一卷曰青翰草屬余序余乃誦前語令弁  
其端其曰青翰者何蓋彭子以能文章受知家靜山提  
學按部所至輒攜彭子偕詩多舟次所得因以名云

說得極痛快處正爲作者身分青翰意末句畧點最

得法 姜西溟

青門旅稟卷三序

三

其派其曰青翰者何蓋彭子以能文章受知家靜山提  
學按部所至輒攜彭子偕詩多舟次所得因以名云  
說得極痛快處正爲作者身分青翰意末句畧點最  
得法 姜西溟

土公起家明萬曆丁未進士崇禎初歷官甘肅巡撫入  
爲戶部右侍郎攝尚書事最後以兵部左侍郎總理五  
省督勦有奏疏如干篇定其可存者釐爲三卷明自思  
陵御極十七年閒水旱盜賊交訌中外搯擊蒿目而萬  
難措手者曰兵曰餉籌餉則苦兵冗而糜餉籌兵則苦  
餉匱而兵飢馴至中外交困而誤遂貽於國事公三任  
皆當兵餉責而尤難者在總理之役先是上憂賊貽籍  
楚豫特設五省總理命盧公象昇爲之豫撫則陳公必  
謙二公戮力討賊數有功未幾盧公入援陳公以人言

青門旅藁卷三 序

五

去上難其代者乃命公以兵部左侍郎出總理五省兼  
攝豫撫蓋崇禎九年十月也齋讀公陳流寇情形及催  
援兵定營制諸疏大要老成持重不肯僥倖不可必之  
功以誤疆事有曰臣區區一念樸誠從實地做起庶幾  
有効不則可以欺人不可自欺更不敢欺皇上嗟乎三  
代以下安得此純臣之言趙充國云兵者國之大事當  
爲後法老臣不惜爲主上別白言之公意類是與跡公  
當日任事僅九閱月兵無專兵餉無專餉故左指右拄  
亦不能大有所創而混十萬蛤蚧圓瓦背紅旗諸賊竄  
伏嵩澗宛葉閒者竟公任亦不得逞不可謂非公功也

繼公而總理者爲熊尚書某熊故喜功好大言賊旣以撫給熊熊亦以撫自給善乎公之言曰力勦而後可撫勦不力則以撫誤而撫必不堅嗚呼公固見之蚤矣不幸公言而中至於穀房之變張獻忠羅汝材兩渠相率颺去如猛虎之跳跟火之燎原江河之潰決奔軼四出而不可復制而熊亦自悔其失策雖身伏歐刀而賊禍愈烈矣嗚呼悲夫又讀公備陳南陽災荒疏竊歎明祚之亡已決於此當是時豫楚洊離兵旱地藉數千里人相食而南陽尤甚公抗疏請蠲諸至慘痛不可讀卽朝上而夕報可猶懼亡及而部臣泄泄循習故常第曰南

青門旅藁卷三 序

三

陽十三州縣災有輕重槩請蠲免恐餉匪難支嗚呼兵以缺餉而折而入於賊民以飢饉賦歛驅而爲賊兵與民日少賊日多而卒莫之悟以迄於亡雖曰氣數豈非謀國者之不臧有以致是哉或疑公五疏乞歸似以賊遣君父憂此非知公者閒反覆公疏以原公之心公始拜命慨然以殲賊自矢迨以無兵無餉之總理提空名於諸將之上稍稍形見勢誦而會武陵驟枋用陰有所主遂聽公歸而公亦不得不去藉令不去必有掣之肘者嗚呼甲申之變公七十老臣踞伏田野久矣顧不難懔慨以身殉况親荷烈皇帝倚任之隆詎不知主憂臣

辱而肯便文自營以弛擔爲全軀計哉竊又以悲公志之不遂爲可惜也公名家禎號軒籙大名之長垣人康熙庚午公季子元烜以名孝廉宰吾邑由公疏稟命衙校讐因具論之如此公死節及它行事宜詳史傳者皆未之及也

文特撮其大要然有明末運禍亂之原已盡於此向見王公與楊忠烈往來書服其先見不可無此文一爲闡揚觀其詳畧處可悟文家輕重之法

姜西溟

青門旅稟卷三 序

三

記 書後 雜著

飛來峰記

武林諸山以峰名者百數。飛來峰最奇。峰之奇以石以巖。洞峰高五十丈許。緣址至巔皆石也。石之狀稜者。云者。劇者。植者。仆者。兀者。獐者。獸相搏者。駢筍者。卓筆者。騫若飛。墜若壓者。奇詭萬態而無一相肖。北倚大澗。剖壁橫展百餘丈。石益奇。多樹木。少土。樹多楓樟。楮桂。杉冬青石楠。大者圍三尺餘。冬夏蒼翠。藤蔓纏絡之。槎

青門旅橐卷四 記

一

出石縫。鬱屈如虺蛇。蟠怪石上。澗北爲冷泉亭。亭之勝亦以峰不爾。亭無奇也。巖洞在峰麓。有三曰龍泓。曰玉乳。曰射旭。龍泓洞深廣二室。其上圓穴仰望見青天。如在井中。又名通天洞也。旁一竇直下。深黑。相傳有人深入數十里。聞舟楫波濤聲。反在頂上。蓋錢塘江底云。出洞折而南爲玉乳洞。空廣倍龍泓。三面巖戶洞豁。豁鈇相通。人如行屋。廡下石乳下垂。青瑩膩滑。閒作紺碧色。壁間泉水涓涓下滴。窪石大早不枯。又西爲射旭洞。亦名理公巖。脚皆空嵌。浮土上。石乳益玲瓏。有曰倒垂蓮者。圍徑丈。下挂不及地尺許。華瓣垂垂。豐上而銳末。平

鏤刻然遊人側肩從華瓣開度最爲奇絕又行十餘步  
窈得石罅隘僅容身穿罅中出循峰麓而西爲蓮華峰  
是下竺之後逕矣理公名慧理晉咸和開來登此峰曰  
吾國靈鷲山小嶺不知何以飛來其說頗怪峰顧以此  
得名洞皆有題字今苔蘚剝蝕不可讀余遊蓋丙寅二  
月也

筆墨峭蒨與峰爭奇讀之如行叢巖積翠中面面朔

雲衣袂欲濕

毛稚黃

青門旅橐卷四

記

二

夜遊孤山記

余至湖上寓輞川四可樓已半月輞川者家學士兄戒  
菴別業也樓面孤山暑甚未能往七夕後五日雨過微  
涼環湖峰巒皆空翠如新沐望明月上東南最高峰與  
波溶漾湖碧天青萬象澄澈余遊興躍然偕學士呼小  
艇渡孤山麓從一奚童登放鶴亭徘徊林處士墓下已  
捨艇取徑沮如開至望湖亭凭檻四眺則湖圓如鏡兩  
高南屏諸峰廻合如大環蓋亭適踞湖山之中於月夜  
尤勝亭廢今爲龍王祠西行過陸宜公祠左右有居人  
數十家燈火隱見林薄並湖行二里許足小疲坐西冷

青門旅橐卷四

記

三

橋石闌學士指點語余曰宋賈似道後樂園廢址在今  
葛嶺又記稱水竹院在西冷橋南左挾孤山右帶蘇堤  
當卽此地嗟乎嵐影湖光今不異昔而當時勢酸之赫  
奕妖冶歌舞亭榭之後麗今皆亡有旣已蕩爲寒煙矣  
而舉其姓名三尺童子猶欲唾之而林逋一布衣垂六  
百餘年遺蹟顧至今尚存何耶相與慨歎久之孤山來  
經僧舍六七梵唄寂然惟鳳林寺聞鐘聲寥寥也作記  
以遊之明日

烟波嫋娜得六一坡仙之逸昔人評畫以逸品居神

品上也

毛稚黃

萬柳堂記

今相國益都馮公於都城崇文門東治園一區因其突者壘之爲岡阜爲陂池因其窪者疏之爲池爲澗因澗之曲折跨以爲橋作堂三楹其中繚以橫檻旁植舍桃梅李之屬百本而柳最多至不可數計因名其堂曰萬柳康熙己未春予客京師數往遊旣得謁公於邸第退爲之記曰夫立於百僚之上以身係天下安危忠言嘉謨效於上利澤被於下而已常任其勞此古大臣進而相天子者然也優遊泉石之閒弋林而緝淵羣萃則有朋友琴酒之娛獨居則有詩書吟咏之樂此退而逸於

青門旅囊卷四

記

四

家者然也。二者往往不能相兼。歐陽永叔年四十餘卽思買田穎上。旣由翰林致位兩府。閱二十年。願迄未遂。自序其思穎詩以爲有志於彊健之年而未償於衰老之後。溪以爲歎。司馬溫公當神宗時。退居於洛十五年。其身逸矣。顧其時青苗助役。農田水利新法紛紜。溫公以言不行。不在其位。老成憂國之慮。常有鬱鬱不自得者。國家自甲寅以前。朝廷宴然。海內又安。無事。公是時已經始此園。旣而演默用兵。邊陲蠢動。賴天子神聖大臣協和。襄贊五年之內。次第削平。而園亦適成。蓋公以忠誠寬大爲上所倚任。常屢疏乞休。堅不聽。公歸。

忠孚於主。道行於時。故功成而人不驚。而公因以其休  
暇。得寓其樂於此。入則謨謀廟堂。出則徜徉林麓。古人  
所願慕而不能得者。而公得兼有之。噫。何其美與。又聞  
公於園西偏闢屋。儲餼收棄。子設義塾。掩骼齧細。至昆  
蟲飛走。皆被其澤。而園之中。遊者雜選。飲者叫呶。以及  
販夫野老。肩摩袂接。於屨席之間。然則推公之意。殆將  
忘勢位。齊物我。欲物各得其所。不僅與平泉履道爭奇  
一樹一石。誇都人之美觀已也。元廉文正公希憲常作  
萬柳堂遺址。在今豐臺左右。論者以公慕文正爲人。因  
仍其名。按史稱文正以天下爲任。振舉紀綱。綜覈名實。  
其不茅<sub>也</sub>。足與公埒。而公之德有過之者。昔韓魏公以醉  
白名堂。自比樂天。蘇子瞻爲之記。以謂君子處己也厚。  
取名也廉。故實浮於名。而世誦其美。公自比希憲。意與  
魏公同。惜乎子之文遠。不逮子瞻也。

中一段寫出先憂後樂之意。最有地步。作者極得體  
裁。處前後文情。繚繞照應自然。

王阮亭先生

予嘗命工圖予像凡五曰展卷曰課耕曰垂竿曰遊岳曰蕉團而自爲長歌題其卷有曰如此溪山吾老矣釣船蠟屐明年始時康熙庚戌也其明年予以事牽願莫之遂予家兩湖之中西望滸子東距笠澤漁人罟師之所往來煙帆之所出沒歷歷可指數心甚樂之私計他願卽不可必當治一舫浮家泛宅徜徉兩湖以髣髴圖之所爲垂竿者亦足慰矣又明年始買一舟復以奔走衣食去客豫章年餘歸江南又客吳門忽忽五六年舟亦故偏棄去今年來客京師則予之願又無由而遂焉

青門旅彙卷四

記

六

遂安毛君會侯起家進士令祥符有能聲尤工古文辭方以博學宏詞徵詣闕予遇之京師出小像屬予記與予向所爲垂竿圖乃大類予復於君曰夫翳嘉樹坐磐石投竿而漁此貧賤之士之所樂也君以文章政事顯於世將大用而反若有慕於貧賤之所樂此其意甚高然以貧賤之士願之十年而不能遂者而君欲兼而有之是必不得之數也屈原之滄浪蒙莊之杏壇未必實有是人皆藉此以寓意君之圖亦寓焉已耳吾聞桐廬巖壑幽勝其地有嚴子陵遺風意必有石隱之士如鑿坯披裘之徒姓名不聞於人間者君倘得見之乎願君

與子則非其人也

冷甚妙甚○皇甫謐高士傳以姓字不可得聞者為

上用意最深子湘此文同意上阮亭先生

蕭疎散朗絕去近手畦徑非鶴舫未易與作爾語陸

冰修

青門旅囊卷四

記

七



士苟抱曠遠之識。負遺世軼俗之情。非必伏閑隱。喫逃蓬藿而茹薇蕨。然後樂也。隨其所之。皆有以寄其所適。設非其人。強而處之。山岨水涯之閒。子子焉不能終日。甚者導憂而增慨者有之。無它。衷所得者異也。魯庵張君始官京師。爲水部郎常關所居旁隙地。鑿澗壘石。厥以華堂周繚。文檻顏曰一畝居。自曹歸則杜門掃軌。而時與海內文章士之客京師者。觴詠其閒。余過而樂之。爲賦數詩。有曰。磴危仍綴菊。澗仄亦遊魚。又曰。明日還來過。新詩許更聽。蓋紀實也。未幾君以親老乞歸。視去

青門旅棗卷四

記

八

官若脫屣。然僑居津門。方治所爲。問津園者。一樹一卉。皆手自灌植。日往來園閒。甚勤。今夫京師崇高曠巨榮利之藪。而勢進之人。所輻輳而奔走也。雞鳴而出。鐘動而

未休。黃塵眯人。馬上咫尺不相見。營營然東西騖馳。彼

方自謂志得。而津門北近海。南通江淮。是惟舳艫魚鹽

銀銅果布杉楠之奏。其俗趨賈。爭擁貨自封。閒亦聲伎

讌會相徵逐。以是爲豪耳。而君所樂。顧皆不在此。余自

京師南歸。舟行抵津門。訪君君喜。觴余。問津園因屬余

記。蓋園之大。視一畝居可四五。而羸塋爽閑曠。亦復過

之中。爲堂三楹。左右翼以回廊。出室堂之後。屏以茅亭。

堂之前稍左俯以峻閣登閣而眺則海氣泱泱千里一  
白而潞河北來衛水東注其間蒲樹沙禽風樯魚網出  
沒掩映於几烏閒亦勝觀矣而園之主人益蒔花木皮  
圖史徜徉吟詠翛然泊然視世之所有舉無足介其懷  
者蓋足於內者無待於外君所得與其所以樂固有異  
乎人者園亦寄焉而已園舊爲某公題額或曰其地嘗  
有隱君子耦畊也因以名云

前後掩映縈迴其文其境與人皆翛然自遠

毛程黃

青門旅臺卷四

記

九

前發濟野臺明人皆稱然自臺手筆書

其人... 甚... 固... 益... 蒔... 木... 皮... 圖... 史... 徜徉... 吟詠... 翛然... 泊然... 視世... 之所有... 舉無... 足介... 其懷... 者蓋... 足於... 內者... 無待... 於外... 君所... 得與... 其所以... 樂固... 有異... 乎人... 者園... 亦寄... 焉而已... 園舊... 爲某... 公題... 額或... 曰其... 地嘗... 有隱... 君子... 耦畊... 也因... 以名... 云

書院非古也。古者三代之學，嘗出於一。其時自家至州，  
閭鄉黨以達於王國，無不立學之地。自國子至庶民，子  
弟無不學之人。自春夏秋冬歷之三年，九年無一日去  
於學，而又取卿大夫之致其仕而歸，能以道得民者爲  
之師。其德則智仁聖義中和，其行則孝友睦婣任恤，其  
術則詩書禮樂士之生其間者，奇袤淫僻之說無所惑  
其外，干進者祿之念無所動其中。其於聖賢之道，若繪  
布稻梁，服食之不可斯須去也。故及其教之成，上之公  
卿大夫士皆得其人，下之道德一風俗同。三代之盛，大

青門旅橐卷四

記

十

率由此。逮嬴秦滅學，歷漢唐宋元明千餘年間，學或興  
或廢，其所以教者，要非古法。師弟子羣居族處，上者講  
章句課經義爲干祿之文，下者責費脩敬，逐酒食號稱  
子游氏之賤儒而已。葉適有言：州縣有學徒以聚食而  
士之俊秀者不願於學。蓋宋世已然，於是二有志之  
士聚生徒設學舍，奮然於千載之下，講求斯道於千載  
之上，而科舉之學與性命之學始岐而爲二。而當時右  
文之君往往卽其地賜經史置校官書院之興，蓋昉此  
矣。夫學校所教如彼，師儒所講如此，二者果岐而不可  
合哉。識者憂科舉之陋，常思有以變其法矣。而卒不可

變夫無變乎今之法而有以合乎先王之道此賢者責也豈世果無其人哉登封有嵩陽書院建自五代宋至道中賜九經子史當時所稱四大書院嵩陽居其一自元明訖於本朝廢興屢矣邑人大名兵備副使耿先生介家居講學毅然興復邑令張君堦力襄之於是二程朱子有祠會講有堂燕居有室生徒誦習有舍旣成集諸生讀書其中每月以朔之三日課藝卽今時所爲科舉之文以越望之三日講學先生之言曰今日論學不必煩爲之辭卽於舉業加一行字使修其辭爲有德之言見諸用爲有本之學嗚呼循乎今之法而能合乎先

青門旅棗卷四

記

十二

王之道於先生見之矣先生誠賢者耶古所稱卿大夫之致仕而教於其鄉以道得民者其在先生耶慶曆中甲安定瑗教授蘇湖海內方尚詞賦獨瑗教以經義時務湖學蒸蒸多秀彥於是有司請取瑗法爲太學式

今天子重道崇儒表章四子六經頒示中外其廣勵之意綦厚誠如胡瑗故事取先生法下郡縣使博士之所教弟子員之所以學畢出乎此自一邑移之一州自一州移之天下卽所爲科舉之學而各有以自得夫聖賢之道教化之成其何難之與有張君爲吏廉仁愛民今以治行當遷秩去來請曰願有記余幸獲以文辭廁

名諸先生後而又喜教化之將行也遂記之若夫興廢  
沿革之詳庀工之月日載書院誌及湯先生斌記中可  
互見者皆不書

元元本本庵雅肅穆真湛深經術之文曾子岡宜黃  
學記李泰伯書院記後得此可鼎足 王阮亭先生

青門旅橐卷四 記

三



學記李泰伯書院記後得此可鼎足 王阮亭先生

元元本本庵雅肅穆真湛深經術之文曾子岡宜黃

學記李泰伯書院記後得此可鼎足 王阮亭先生

重建始祖康節公祠堂記

皇上以天縱之聖。畱神理學。謂性學之傳。自孟氏後。至宋儒始明。而周程張邵朱六子。獨得其宗。乃親灑宸翰。書學達性天字。分賜六家後人。俾揭於祠之楣。衡始祖康節公諱雍。祠在河南伊川先塋者。得邀寵賜。其奎章下被輝映。几筵甚盛事也。而衡所居毘陵之章。湟里。故亦有始祖祠。蓋先君子治命而衡實成之。有司歲以春秋二仲。奉牲幣承祭。如著令。族父老相與謀曰。惟是上聖天子崇儒重道。與賢有司之春秋致禮於先祠。以奉上德意者。甚隆。而故祠庠隘。弗妥弗虔。懼無以稱鉅典。

青門旅藁卷四 記

三

會江西督學道裔孫延齡侍讀學士裔孫遠平各致白金如千兩。謀新祠宇。遂卜址於敝廬西數十武。背坎面離。地勢塏爽。近縈清溪。遠屏翠巘。經始於己巳八月十二日乙亥。至十一月某日訖工。中爲堂三楹。左爲別室。以貯祭器。前爲門。爲廡。庖。漏有序。更表有所。級崇除坦。棟宇翼如。凡用木以丈計者。大小四百五十。輒篋以片計者。十一萬三千。灰。堊以斤計者。四千六百。礮石三十丈。而贏。匠人圻人。以工計者三百八十。役夫倍是。而贏三之一焉。它膠。煤。榘。鐵之需。稱是。總計費白金以兩計者。二百六十。有奇。衡費率當十五。成先志也。既成。乃鑿

石於壁以識月日捐金者若干人例得書

過篇不著議論手法高潔延齡辛丑通籍後卽欲於  
嘗湖建公專祠忽忽二十餘年此願未遂叱陵衡弟  
已尤某爲之讀祠記殊增媿色

延齡識

青門旅棗卷四

記

十四



自來其飲之歸歸所來會蹤也

五備類

以益不洋籍論手起高緒其領平北而錄其唱第氣

邵子年五十三而治棺顏曰息芬取蒙莊氏語也既成名戚友子姓落之客有疑者曰夫死者人情所苦也而子一似有所樂者何居邵子曰嘻子奚知所以苦奚知所以樂子見夫晝夜矣子見夫寒暑矣當晝而營營當夜而冥冥適然寢遽然覺常也寒至必暑暑至必寒大暑流金石大寒病皴痲而人不驚順也夫人於死生亦若是則已矣里之人有病憊而惡夜者夜則怔怔然惛惛然若虎豹之來搏大盜之狙擊其後也其父母妻子製燭露刃環伺而守之乃得一息之安其親交之視之

青門旅藁卷四記

五

者以爲是有所大苦而無可如何也。凶它失其常也可不謂大哀乎。是故神仙之說。乘人之貪而誘之也。釋氏之說。乘人之怖而劫之也。惡知夫貪生而生不能幸也。惡知夫怖死而死不能辟也。吾見可哀也已。是故子犁之蟲。辟鼠肝。悍也。楊王孫之命。羸莖。諄也。劉伶之荷。鋪便埋。誕也。吾無取焉。且夫吾形化矣。而有不化者。存則吾又將以是蒼爲蘧廬也。而又奚知所苦。奚知所樂。旣以語客。因書之爲息芬記。康熙己巳長至日。苦也而

達生之旨。文氣亦近子書。爲集中變調。入語也。均矣。

客自南岳歸者貽予响嶼碑字皆古文不可識後年餘

得楊升菴慎金石文所釋讀之凡七十七字其文曰承

帝曰嗟翼亦作輔佐卿水處讀作與登鳥獸之門參身

洪流而明發爾興久旅忘家宿岳麓庭智營形折心罔

不辰往求平定華岳泰衡宗疏事哀勞餘伸禋鬱塞昏

徒南瀆衍享衣制食備萬國其寧窳舞永奔最後見衡

山誌載楊少宰時喬所釋亦七十七字有訓釋與升菴

同者二十一字餘各異其文曰承帝令襲翼為援弼欽

塗陸句登島瀉句端鄉邑句仔麓流船暗歇遲眠即夙

青門旅藁卷四 書後

訖冬次岳麓展音陌裂升析音罔墮躔往求出竅華

恒忝衡嵩陞事哀獻稔挺禋鬱濟墊徙南暴幅員節別

界聯臆魅夔魑窳舞蒸爨音又見沈鎰所釋與升菴同

惟嗟作谷洪流作魚池久旅作以此鬱作贏衍享作昌

言窳作鼠永作蒸十字小異鎰亦萬曆間人自言釋此

碑時夢長人授以古籀篆文語頗怪不經按禹碑相傳

在响嶼峰又傳在衡山縣雲密峰唐宋以來劉夢得韓

退之朱晦菴張南軒四先生屢訪求不得王象之輿地

紀勝稱宋嘉定中蜀士有好奇者不憚高峻始陟其所

濡紙脫其文七十二字刻於夔州觀然不著蜀士姓名

郡邑志稱宋嘉定壬申何致字子一者遊南岳至祝融峰下樵夫引逕隱真屏几三度湖乃達碑所得古篆以碎曆紙摹之刻石夔門觀及嶽麓書院參考二書蜀士卽何致升菴所得蓋致本傳刻者也宋楊南仲有言古文自漢世知者已希賈逵許慎輩多無其說蔡君謨亦曰古篆字或多或省或移之左右上下後人各以意辨識互有異同亾足怪者嗚呼篆繆分隸之學踵譌襲舛世不講久矣况古文乎今讀碑辭升菴所釋較古雅少宰暗歇遲眠不類周秦以上語竝存之俟博古者

論敘俱簡淨有法

王阮亭先生

青門旅藁卷四

書後

七

書嵩山石闕銘後

嵩山無秦漢碑碣。惟三石闕僅存。其一在中嶽廟南百步。東漢安帝元初五年。陽城長呂常立。其一在少室東。邢家舖西。有題名而亾。其辭今可撫。搨者二十一。行行四字。其一在啟母祠南百步。漢安帝延光二年。潁川守朱寵立。載啟母廟銘辭二。辭皆古雅可誦。前有題名十。行行七字。與少室題名同。少室題名有廟搨辛述。廟佐回猛。趙始此無之。而益以掾陳修佐左福二。闕蓋一時建者。志稱闕。盪石爲之。相去二丈許。而缺其中。如闕其空處。刻雜花紋及山水鳥獸形。皆古拙竊怪。嵩高當天

青門旅橐卷四

書後

大

下中尚營漢都。皆近在畿內。且其名首五嶽。載祀典。秦皇漢武以來。意必有刻石紀功德。如鄒嶧會稽之比。而今無一存者。豈風霜野火兵戈之所剝蝕。樵夫牧豎之所剗削。千餘年閒。遂磨滅無餘耶。然則金石刻之存於世者。亦有幸有不幸耶。石闕刻舊亦不著明。萬曆閒。傅君元鼎得之。始見於山志。康熙閒。葉君封令嵩陽益撫。搨傳之二。君可謂好古博物君子矣。中嶽廟石闕已不可搨。今葉君所搨。啟母廟銘較志又闕七十八字。相去僅五。六十年而石之泐者已如此。然則天下何者可恃爲久存者。與。康熙己未四月一日。語簡而意長。阮亭

書朱文公同年錄記後

右宋高宗紹興十八年戊辰朱文公熹登王佐榜進士  
同年錄裝褫成帙友人林璐爲之記按紹興十二年和  
議成誓表稱臣構中有云旣蒙恩造許備藩方世世子  
孫謹守臣節嗚呼宋之君臣於是乎喪心矣自是媿安  
偏隅一切修彌文以飾治十四年四月知虔州薛弼言  
州民朽柱中有文曰天下太平帝大悅詔宣付史館十  
六年正月耕藉詔曰今疆場罷警流民復業錄中載十  
七年三月科舉詔亦曰今疆圉日靖宜令有司蒐取茂  
才咸與計借善乎林璐之言曰奄奄一小朝廷借貢士

青門旅橐卷四

書後

九

以粉飾太平考亭當日讀之必有痛哭流涕而不能已  
者又按紹興十七年十一月詔復進士聞喜宴故錄中  
載五月五日賜狀元王佐等聞喜宴於禮部蓋建炎以  
來廢宴至是始復也宋制科分五等其上二等皆虛而  
進士分三甲自太平興國八年後遂爲定制錄中載公  
名第五甲第九十人璐言不知五甲之制更於何時按  
熙寧開安石更定科舉法殿試分五等其第五等賜同  
學究出身而後沿之而不變或遂以五等爲五甲耶  
余記問荒落行篋中又無它書可考姑存疑以俟冷聞  
之士嗚呼自宋紹興戊辰至今歷九戊辰蓋五百四十

二年矣。其間豐碑深刻，與夫金裝玉帛四庫之書，散爲雲烟者，何限。而是錄以文公故特存，道德之足重，固如是哉。錄今藏杭州朱氏家記，稱朱氏寶此五百五十年，亦誤。蓋未詳考也。康熙己巳五月廿六日，毗陵邵長蘅題於武林舟中。時林璠歿已三年，撫卷泫然，潞別號鹿菴錢唐人，以能文章名。

青門旅橐卷四

書後

三

書金谿兩烈婦紀畧後

兩烈婦爲金谿孝廉張君冠玉之母故娣姒也皆姓吳氏皆蚤寡奉姑以孝稱順治丙戌冬故中丞揭公重熙起兵襲撫州不克走金谿金聲桓王得仁躡之縱兵大掠兩烈婦踉蹌掖姑出遇遊卒拔刀刼姑驚仆地烈婦遽奪持其刀以身蔽姑呼曰寧殺我卒怒殺烈婦次刼娣娣罵不絕口亦被殺而姑竟得免嗚呼兩烈婦之死烈矣無待區區詩文以傳況張君能致詩文如是之夥又奚藉余言顧其閒議論有刺謬者是不可不辯盱江邵昞之言曰兩烈婦之死死於金王之卒而階之厲者

青門旅藁卷四 書後

主

實中丞也又曰於家國無所濟而於鄉鄰大有所禍以是爲中丞罪嗚呼斯言也決天下後世忠義之防而有志之士爲之搔腕紫歛泣下而不能止也自古忠臣烈士遭離百六明知事不可爲然且逆天命犯首禍慷慨赴之瀕九死而不悔者其心固有所大不忍也人情莫親於父母妻子莫愛於身夫人至捐軀命忍其父母妻子以舉事而又遑計成敗利害哉今夫匹夫慕義奮袂而起不旋踵而異懷觀望踳蹙而不敢前者則計較利害之念沮之也而謂豪傑之士然乎哉以余所聞中丞公告廟興師破家出走崎嶇江閩萬山中屢蹶屢奮迨

勢窮力誦計無復之然後以一死謝天下嗚呼處死如公亦可告無罪矣而昺猶云然鄉人以愛憎爲毀譽固如是哉如昺言則睢陽之屠空阬之敗不能道荼毒生民之罪而凡史冊所載媮生苟免全軀保富貴之徒皆可自詡明哲而開門乞降賣君父以求榮者且得以保境安民論功矣是烏可哉是烏可哉昺才識庸陋又不曉古文法其文必不能傳而是編已有從而附和之者況於世之以文章名者其立言可不慎與

某旣爲此文寫一通寄張君附孝烈冊中以傳欲令覽是編者不致爲詖辭所惑張君恐未必許也然某

青門旅豪卷四

書後

三

文已鏤板是王海內有識之士必有是余言者長蘅跋  
鄧生之言唐時論張許已作此見邪說之害中人心術如此是文出功不在昌黎下矣姜西溟

書雙忠遺翰卷後

右長垣少司馬軒籛王公與楊忠烈公往返手札而司馬公令嗣似軒先生輯而傳之者也按忠烈公疏論魏璫二十四罪在天啓甲子六月是年十一月削籍明年三月被逮六月下北鎮撫獄一札署六月二十五日燈下弟漣再頓首卽論璫之六月也其一則就逮時筆所稱崔公爲大家宰崔景榮崔亦東林賢者甲子十一月起官冢宰明年七月卽移疾去公去而忠烈亦慘填牢戶自是緹騎四出清流一網盡矣卷中載司馬公復忠烈書及上太宰崔公書皆在乙丑三月後蓋忠烈就逮

青門旅槩卷四

書後

三

時崔猶在朝也後二十年遭甲申之變司馬公以起義謀誅僞令不勝死余嘗謂明祚之亡人知亡於賊而不知實亡於闖蓋正人者國之元氣方闖發肆毒斬刈誅鋤惟恐遺種譬之病人元氣耗竭奄奄者僅餘息耳思陵初政如人將死而神清詎能延已絕之大命哉二公一死於闖一死於賊皆與明祚相關閒循覽遺墨其感

槩激烈之氣蟠鬱紙上更千百年讀之凜凜如生嗚呼當天地晦冥滄桑灰劫之餘後人能掇拾而表彰之使司馬公之名與忠烈並垂天壤則王氏子孫亦賢已哉

司馬公歿且四

七年似軒先生來令吾邑某因得覽

所爲雙忠遺翰卷獵襟莊誦爲之肅然改容庚午臘月  
望日

緊隋何減半山公識見議論則遠勝之○者作議論  
醇雅部伍謹嚴至不可增損一字當今主盟斯道非  
公其誰妄跋數語直是隔膜不知痛癢聊志嚮往之  
意而已

姜西溟

青門旅棗卷四

書後

十四

王北山哀辭 代莊澹庵官庶

北山與予後先在史館北山通籍時予廢棄家居未相  
識然往往聞北山名戊申客武林遇於湖上始定交十  
餘日別去後九年予復官京師相見握手懽甚自是別  
數日必相聚聚必促膝銜卮縱談詩文閒出古書畫金石  
刻鑒賞懽笑竟日以爲常後年餘北山又別去予送之  
彰義門別數月而訃至嗚呼北山死矣予與北山別九  
年幸而復合合年餘又別私計不久當復合乃遽哭其  
死也嗚呼悲夫北山名曰高字鑒茲北山其號順治戊  
戌成進士官翰林今上改元授工科給事中歷兵戶

青門旅橐卷四 哀辭

五

二科給事中遷禮科都給事中賜對稱旨遷京卿以

候補歸邁疾卒蓋康熙十七年戊午七月也北山貌厚

而氣和其爲文章清雅尤長於詩孝友著宗族閒與貧

賤士交久而益篤在諫省十餘年不喜矯亢立名所上

章以十數務持大體恤民瘼數陳水旱災異其給事工

科也首疏請勤學親賢以端蒙養隆治本其遷兵科值

畿輔齊晉吳楚閒同日地大震人畜死壞公私廬舍以

萬計而淮揚復苦水災疏請減田租出帑金遣使者護

視災黎所全活忸算遷戶科疏劾天津債帥及江南大

蠹之爲民害者遷禮科疏請卹關陝荆湖死節文武將

吏又請發粟賑江淮饑民。上多從其言。賜對便殿。慰勞良久。曰。王。某。數。論。事。未嘗言利。真諫官也。國家自甲寅以後。三方用兵。度支苦餉不繼。於是中外講求利端。而郡縣吏益務綜核。以朘削爲能。其不肖者。又因以爲姦。天下勞弊而君處言路。獨數以愛養元元爲言。天子嘉其忠。可謂主聖臣良之一時也。方倚以大用。而君死矣。嗚呼。非獨知交零落。爲可感。而國家失此善人。可不爲之愛惜而痛悼也。歟。其辭曰。

謂君未用兮。則爲諫官。謂君莫知兮。帝嘉其賢。不究厥施兮。中道溢捐。位不竟志兮。德不配年。自君之沒兮。民力益殫。東南水旱兮。民食孔艱。艸根樹皮兮。溝委壑填。君儻不死兮。痛哭陳言。人之云亾兮。爲斯世而汎瀾。僅交情離合兮。何足以云。

文字貴有關係。如此文便非尋常哀輓之言。可以論世矣。  
王阮亭先生

族兄靜山提學哀辭

并敘

庚午中冬余自豫章東歸兄握手語絮絮不忍別曰明年使事竣還里當訪子青門草堂余曰諾今年六月聞兄歸平湖遣奴子持一札訂草堂期報曰中秋後過毗陵也八月行盡余方訝其不至復附書往會有傳兄溘遊道山者余愕未敢信十月朔再遣奴子走平湖不數日持行狀歸嗚呼兄真死矣越明日爲十月八日弔服爲位而哭兄於室禮也余時病喘兩月餘氣忡悒僅續如綫按狀兄歿以閏七月十九日蓋余附書旣未達而計又不時至距兄死蓋七十有九日而今始得哭兄嗚

青門旅槩卷四

哀辭

七

呼悲夫兄起家順治辛丑進士官內閣中書歷戶刑二部郎中以按察司僉事提學江西滿考歸里以疾卒初官中書時會演變起朝議用兵隴蜀中書當選一人隨征同列皆有難色兄毅然請行從安西將軍入蜀董格貝子以兄知兵令叅其軍事爲畫利害懸決勝敗輒中常一不用兄策軍困於蟠龍山絕糧月餘將士飢疲無人色兄意氣自如有餉羊肉者笑曰此人肉也死生有命吾不忍啖此郤之會援至得山靖逆侯張勇填鞏昌召飲帳中詢平蜀方畧兄左手引卮右手以箸畫地談戰守機宜及蜀中水陸險要阨塞娓娓竦聽侯喜曰經

生中有此真邊才也。將薦補隴右道缺。或尼之。不果。嗚呼。國家滇黔用兵以來。智者効謀。勇者効力。自卒伍之賤。以至市井屠販。椎埋剽斂。亡命之徒。往往奮身弄刀。稍或樹頤頰。微倖取功名。富貴過其望者。不可勝數。兄以一書生。據馬韉。跋履三千餘里。崎嶇叢鳥道。瘴癘虎豹虺蛇鋒銛。矢鏃死生呼吸之間。歷三年之久。大帥知其才矣。然不獲以功名顯。乃僅循資平進。浮沉郎署十餘年。迨駸駸用而兄死矣。嗚呼。豈非命哉。豈非命哉。憶己未。余客京師。始識兄。相見詢譜系。世次同。祖康節公。又同派。姚江爲兄弟。行則大喜。兄時官曹郎。獨季

青門旅橐卷四

哀辭

元

子侍京邸。呼之出拜。余亦入拜。丘嫂於房。自是別未幾。輒相見。乙丑南歸。別最久。戊辰。余自嶺表還。會兄履江右任。遂畱署中。前後閱兩期。故余知兄尤深也。兄伉爽和易。不治哇咿。與人語衝臆而吐。然遇意所不可。輒面指斥人。或雜以詼調。爲諧語刺譏。雖權要人不避也。人以此諒兄。然亦往往以此嫉兄。故宦終不顯。在江右名能知人。得士諸生。俎豆兄於李空同。夢陽家。文莊寶侯。廣成峒。曾蔡忠襄。懋德閒四公。皆前明視江右學者也。論者不以爲過。讀書務博。涉強記詩文。濡筆伸紙數百言。立就。然不欲爭文士名。持論少許。可詩推新城王士

禎文推寧都魏禧同郡則推朱檢討彝尊而尤喜余文  
每得一篇輒咨賞彌日或訾余文太澹笑曰澹處正不  
易及君非知文者嗚呼兄之知我乃勝我自知兄今死  
矣嗚呼悲夫兄諱延齡字靜山別號耐軒卒年五十又  
七又聞季子翼以哀毀致疾後兩月亦卒翼字汝爲力  
學攻文章曩侍兄京邸者也嗚呼天道慘酷胡至斯極  
耶將買舟力疾往會兄喪思所以寫余哀者乃爲楚音  
以當哭其辭曰

隴。阪。碣。礪。水。鳴。吧。些。蜀。山。嶽。峯。巖。巖。畫。不。見。日。些。猥。狽。  
吟。嘯。虎。豹。慄。些。封。豕。長。蛇。薦。吞。食。些。君。胡。來。思。激。忠。肝。

青門旅藁卷四 哀辭

无

些。書。生。投。筆。逐。戎。旃。些。人。肉。爲。醢。骨。爲。薪。些。入。虎。穴。幸  
而。得。全。些。嗟。哉。數。奇。獨。苦。辛。些。偃。仰。郎。署。逾。十。年。些。九  
江。五。老。迎。使。車。些。清。秋。日。晶。縣。玉。壺。些。歸。來。今。卽。君。之  
新。居。些。華。軒。突。宇。網。戶。朱。些。砥。室。鬆。八。陳。詩。書。些。胡。爲  
乎。舍。此。而。逝。曾。不。畱。些。去。歲。別。君。在。南。浦。些。朔。風。飛  
霰。雜。以。雨。些。余。祛。君。摻。離。思。苦。些。今。歲。扁。舟。登。君。堂。些。  
像。設。塵。筵。素。幃。張。些。呼。君。不。應。涕。泗。滂。些。總。帷。綵。絳。分  
燈。青。熒。嗚。呼。哀。哉。今。何。以。爲。情。

張烈婦哀辭 并敘

烈婦苟氏父名中益考城人適寧陵柳河張鐸鐸世農家父已獨母在烈婦勤於操作事姑謹鄰韓可元者素亡賴桀黠橫里中烈婦始嫁時可元已闕而豔之顧未有閒久之烈婦自母家歸姑方盪醬麥於箔未覆烈婦問故曰麥煮適熟而客至呼汝夫語未返耳烈婦不易衣飾遽出門采菊秫葉為覆麥計蓋門外數百步即鐸田也可元瞰烈婦獨入深秫中呼王璧與偕躡其後王璧者亦亡賴子年少而美可元私計婦人見璧必悅悅而從句我因而持之必得所欲其本謀如是是日烈婦

青門旅棗卷四 哀辭

三

見璧入秫叢駭且避問曰若何為璧稍近之烈婦大呼救人璧遽扼其吭可元亦前抱持嚇曰不從殺汝曰願殺璧曰不從勒死汝曰全屍更好誓不從汝強犯之則以手批可元頰且碎其裙可元拉烈婦手折之則更抵以足兩人粹烈婦髮使仆仆復起屢起屢仆髮拳鬆脫落委地已乃極力偏之至衣條條裂終不得犯可元欲舍去璧曰識汝奈何遂其縊之死繫頸於樹烈婦將絕時所當手足抓地處坎可尺許血殷然又以秫本椽下體掠其首飾指環去烈婦死時年十八康熙己巳五月廿三日也鐸既歸姑訝婦久不至遣鐸往視見婦屍鐸

大駭號呼。村人環顧咨嗟。莫得其故。鐸計無如何。買棺殮屍。事將已。初可元自秣。閒出時。適與張光彩遇。光彩者亦柳河人。見可元衣縷縷碎。又有血泥痕。踉蹌走若鬪而不勝者。私怪韓。十素橫。不讓人。今日氣何索耶。可元多兄弟。行十故里。中以韓十呼之。及是心知可元所爲。私語其妻。唾彩而曰。啐。韓十惡人。今貫盈自斃。汝畏十不敢言死者。有知必爲厲鬼禍汝。立起欲自往。光彩懼且慚。乃走告鐸。願爲證。鐸遂訟可元於官。可元賄吏。緩其獄。至六月廿二日。始往驗。烈婦死匝月矣。啓棺而如生。肢體血斑斑。鮮掖之。則僵而立。衆皆驚異。作人

盡隱其傷。謾云項上繩痕不交。蓋人勒之死。則繩痕交。今言不交。謂自縊也。令惑其言。將坐鐸以誣觀者。大譁令心動。揮衆使散。曰。明日更鞫之。明日聚者益衆。縣庭至不能容。乃移鞫城隍廟。作人供如初。有扛屍夫張九容者。突前叱曰。韓十私我曹金。汝得金若干。尚何諱。初可元賄衆時。張獨不肯受。故云。然作人語塞。令不得已。薄責之。衆憤。梓作人叢毆幾斃。可元旣魄視於神。又見衆怒洶洶。知不免具吐。致死狀。纖悉如畫。曰。椽下嚮者憤不從也。掠首飾指環者。不得漁色。姑取貨也。令遣隸索可元家。則首飾指環具在。乃收繫可元璧俱論。死未

幾相繼斃獄。余於寧陵縣志中得唯人田蘭芳所爲張烈婦傳讀之氣結填膺幾欲哭出聲不可忍嗚呼。其葬之在人如是哉。按邑故有烈婦祠祀黃喬兩烈婦明嘉靖間人黃烈婦李氏舉人黃嘉猷妻喬烈婦解氏監生喬文光妻皆夫死自經。匱側事聞詔旌門建祠祀。今百餘年不廢嗚呼黃喬之死烈已然皆士族高閥習聞詩禮之訓且其胸中固蚤辦一死矣。一田間婦遇強暴於倉卒之頃迫脅凌厲死生呼吸稍一釐亂皇惑鮮不自喪而能不怵不回以死自衛此其成就尤難而慘毒亦過之愚以謂烈婦之死應祀典謂宜祔至於祠與黃喬

青門旅棗卷四

哀辭

三

並邀春秋一奠之榮此賢有司事也余旣序次其事乃變爲楚聲以招之冀貞魂來安享於祠也其辭曰

蕪林蒙密不見天只幽篁黑箬孰後先只狎狺狂狂走逐人只荃往遭之康厥身只殷肉血扞胷樹間只豐隆碎訇雲晝霽只羈禽嗥獸悲空林只貞魂歸來毋滯淫只穹祠銀胸有華堂只網戶朱綴文杏梁只承塵方紋蘭幕張只黍稌麻麥稗稻粱只膈魚騰臙椒桂芳只五齊四酎醒柘漿只雲旗下來靈風翻只六銖織袿鳴珮珊只摻黃攜喬步瓊軒只含鞞凝睇慘不言只貞魂歸來開且安只

代甘霖應禱頌

并序

皇帝祇天法祖寬仁恭儉嘉與海內休息者十八年於茲。乾覆坤載。元元阜殷。或逆節萌生。旋起旋踣。跂行踣動之類。以生以成。乃歲屠維協洽。自春徂夏。驕陽爲沴。解澤不降。歲將無麥。

皇帝於是端居念咎恤刑獄。省繫囚。制詔禮部。乃者朕躬涼德。雨暘愆期。朕甚懼焉。朕夙夜祗凜。爲民請命。臣工務循省過。愆恪共廼職。以交修朕不逮。四月十有二日丙子。

皇帝齋於宮。三事百僚齋於署。越三日己卯昧爽。

青門旅棗卷四

頌

三

皇帝素服。斥鹵簿。止傳警。至圓丘門。却輦徒步。百官從詣壇。祠官陳俎豆。撤樂。肅恭奠獻。禮成。屏翳繽紛。微雨灑灑。將還宮。兩大霑澍。從臣懼欣。抃舞僉以爲。

皇上步曆正時。燔瘞祇祓。至敬也。胙蠶。九廟。豫順。

兩宮。至孝也。屢肆赦。寬繇賦。賜民租。至仁也。聖躬。

衣浣濯。上方減將作。盛德也。皇威震讐。殊域革面。

神功也。蓋天人之際乎。格已。預譬慈父之於愛子。疾。

痛呼籲。迺不聞。昔桑林之禱。應以七年。桑穀之祥。

弭。以七日。方之今日。不亦惡歟。臣某躬扈從郊壇。獲。

望盛德休光。不敢辭固陋。敢載拜稽首而獻頌曰。

皇帝踐祚仁覆寓縣未明求衣日昃不倦惟歲協洽夏  
迺告旱五日不雨來齋斯曠皇帝曰咨是惟予譴陬  
日齋戒撤縣避殿嗟爾臣工予猷汝贊四月旣望有事  
郊壇緹幕夕張帷宮宿幔帝昇於壇迺燎迺燿醴馨  
牢登執爵獻瓘白茅籍精蒼璧分奠垂慘拙旆恍惚隱  
見夙戒之夕明星有爛月麗金波繩低碧漢將事之晨  
靄靄晻晻蜚廉屏翳列缺後先膚寸斯合崇朝已遍華  
旗風舉御衣珠濺滲漉氾瀆忽滂漫衍雲覆油油麥秀  
蓊蓊跂蠢欣欣婦子衍衍鼓腹擊壤塗歌巷抃惟敬格  
天惟天垂眷天所助順推類可見天眷皇帝金甌煌

青門旅棗卷四 頌

三

煌疇迷逆順旋踵滅亾餘孽奔走襁負來王天眷皇  
帝幅幘入荒西航弱水東拂扶桑南蕩滇蜀竿犛冉躡  
天眷皇帝錫之禎祥赤麟黃龍蛇螭游翔九壑連葉  
靈華芝房天眷皇帝豐年屢降兩岐六穗黍稌秣稭  
納秸納程來此萬邦萬邦旣來大開明堂曲繁奏雅偃武右文黜  
幽陟明賜租息繇勸農課桑億萬斯年永垂衣裳

雅頌之音崔蔡不足多也 王阮亭先生

銘頌之學大約習於靡曼子湘筋力堅凝神采峻發  
沈約魏收欲於何處生活 陸冰修

代清故光祿大夫太子太保禮部尚書王文貞公

誄 并序

惟康熙十七年冬十一月十有七日故禮部尚書文貞王公以疾薨於邸第嗚呼哀哉初

世祖章皇帝在御天下大定朝野晏安無事天子思創典禮樂釐定天地山川祠事成一代鉅典一時儒學文章偉異之人彬彬向用而公以是時歷官宗伯尤爲上所委任公問學淵洽知本朝故實一切制度沿革必援經史據古今侃侃持論務合於典禮或廷議糾紛待公一言輒決其尤大者詔議禘祭禮公疏言宜奉 肇

青門旅藁卷四

誄

興 景 顯四祖及 太祖南向 太宗東向又詔議

大享殿合祀禮疏言本朝所封起運山宜附中岳壇天柱隆業二山宜附北岳壇如前明附祀例又疏言帝王廟宜增祀守戍令主如商高宗中宗周成康漢文帝宋仁宗明孝宗七君並宜祀又言宋臣潘美不當在從祀列張浚王命爲將三致敗且劾李綱殺曲端疑岳飛薦秦檜雖爲南渡名臣無可紀之功當並罷從祀上

從其言公立朝議論多此類也長子尚書公熙先在翰林與公同爲學士尋以考績同官禮部尚書父子後先同列海內榮之會

世祖章皇帝崩公治大行喪及今上登極禮日夜辦事左掖門勞瘁致疾累疏乞歸後十六年年七十有八遭疾卒天子哀悼予祭葬恩卹如著令禮官以謚請於是閣臣議曰臣謹按謚法道德博聞曰文大慮克就曰貞故禮部尚書臣王某兼茲二德宍予謚詔曰可遂賜謚文貞嗚呼哀榮之義備矣公諱崇簡字敬哉生平學行文章官爵世次子姓具詳汪公琬狀及葉公方藹誌銘中某辱姻末敢託累德述哀之義而爲之誄其辭曰猗歟宗伯系自任丘皇皇烈祖廼宅燕幽奕世克大厥聲以褒翳惟顯考分陝望重來旬來宣峭潼關隴公實篤生岐嶷少成岳瀆稟精靈曜苞純弱冠矯翮羽儀初升陽九否往三辰泰亨

青門旅藁卷四

詩

三

世祖龍飛拔茅彙征浴堂賜對禁掖掌綸公遽請告十載東山聲敷物聽賢簡帝心乃光薦揆達於黻屨冢宰難之帝曰毋以予知女賢女其強起惟帝有詔講幄女侍遂佐銓衡遂掌邦禮

世祖升遐鞠躬遺寄玉几揚命綴示陳陞臣力孔艱臣忝况瘁四疏乞歸望高身退公之行已凜彼屋漏永言必孝因心則友公之文章披華振秀原本六籍斯足不朽公之下士吐握恐後嵩嶽竦峙俯彼培塿聖有遺言

平格天壽昊天不弔喪此黃耇嗚呼哀哉聖朝震悼僚  
屬增歎金吾復擴大官供酌累德銘勛考終定謚惟帝  
念之哀榮斯備某辱葭草覆露重陰承諱切怛涕淚雨  
頸託茲旒旗與寫予情嗚呼哀哉

序以簡嚴勝詠以警雋勝俱絕去時手繁蕪冗浮之  
病 王阮亭先生

青門旅藁卷四 詠

七

